

Ordenanza fiscal nº 17 – Taxa por outorgamento de licenzas de aperturas de establecementos así como pola realización de actividade de verificación do cumprimento dos requisitos establecidos na lexislación sectorial cando se trate de actividades non suxeitas a autorización ou control previo

Artigo 1.- Feito imponible¹

O feito imponible desta taxa está constituído pola actividade municipal tendente a verificar se os establecementos industriais e mercantís reúnen as condicións esixidas para o outorgamento da licenza de apertura de establecementos ou os requisitos establecidos na lexislación sectorial cando se trate de actividades non suxeitas a autorización ou control previo.

Para tal efecto, terá a consideración de apertura:

- a) A instalación por vez primeira do establecemento para dar comezo ás súas actividades.
- b) A variación ou ampliación da actividade ou a ampliación a outras actividades.
- c) Os cambios de titularidade dos establecementos por calquera causa, incluídos os cambios de denominación social.

Artigo 2.- Suxeito Pasivo

Son suxeitos pasivos as persoas físicas ou xurídicas e as entidades ás que a normativa tributaria impón o cumprimento de obrigas tributarias, que sexan titulares da actividade que se pretende desenvolver ou, no seu caso, se desenvolvan en calquera establecemento industrial ou mercantil.

Artigo 3.- Cota tributaria²

A cota tributaria determinarase por unha cantidade resultante da aplicación das seguintes tarifas:

Nos casos en que o orzamento de instalación non supere os 6.000,00 €: importe sinalado mais o 100% da cuota mínima municipal que lle corresponda pola aplicación das tarifas do Imposto sobre Actividades Económicas.	224,20 €
Nos casos nos que o orzamento se encuentre entre os 6.000,01 e os 30.000,00 €: importe sinalado mais o 100% da correspondente cota do Imposto sobre Actividades Económicas, excluindo os recargos no seu caso.	852,64 €
Nos casos nos que o orzamento supere os 30.000,00 €: importe sinalado mais o 100% da correspondente cota do Imposto sobre Actividades Económicas, excluindo os recargos no seu caso.	937,90 €
Cambios de titularidade, ou calquera outro suposto de tramitación equivalente que non requira informes técnicos.	108,15 €

Nos supostos de exención no Imposto sobre Actividades Económicas, terase en conta a cota que lle correspondería segundo o epígrafe ao que pertenza.

Cando nun establecemento se exercesen varias actividades comprendidas en diferentes epígrafes, tomarase a suma das diferentes cotas para a aplicación deste coeficiente.

Cando se trate de actividades que tributen por cota provincial ou nacional, tomarase o 10% ou o 2% das cotas resultantes, respectivamente.

Artigo 4.- Devengo

1. Devéngase a taxa cando se inicie a actividade municipal que constitúe o feito imponible. Entenderase iniciada esta actividade na data de presentación da solicitude da licenza, se o suxeito pasivo formulase expresamente esta.
2. Cando a apertura tivese lugar sen ter a oportuna licenza, a taxa devengarase cando se inicie efectivamente a actividade municipal conducente a determinar se o establecemento reúne ou non as condicións esixibles, con independencia do inicio do expediente administrativo que poida instruírse para autorizar a apertura do establecemento ou decretar o seu peche, se non fose autorizable esta apertura.

Artigo 5.- Xestión³

1. A taxa esixírase en réxime de autoliquidación. Os suxeitos pasivos virán obrigados a presentar esta autoliquidación no impreso habilitado

¹ Artigo modificado mediante acordo plenario de 29 de setembro de 2011. Publicado no BOP num 229, de 01/12/2011

² Artigo modificado mediante acordo plenario de 29 de setembro de 2011. Publicado no BOP num 229, de 01/12/2011

³ Artigo modificado mediante acordo plenario de 29 de setembro de 2011. Publicado no BOP num 229, de 01/12/2011

para o efecto polo Concello. No momento de solicitude da concesión da licenza, no caso de ser esta necesaria, ou no de presentación do escrito de comunicación previa ou de solicitude de autorización previa, deberá acreditarse o pagamento da autoliquidación.

2. Cando tivese lugar a apertura sen ter a oportuna licenza, no caso de ser esta esixible, ou cando os suxeitos pasivos non tivesen aboado a correspondente autoliquidación pola taxa, nos prazos anteriormente sinalados ou se tivese presentado e aboado aquela por cantidade inferior, a Administración municipal poderá practicar e notificar unha liquidación provisional.
3. A obriga de contribuír, unha vez que naceu, non se verá afectada en modo algún pola denegación da licenza solicitada ou pola concesión desta condicionada á modificación do proxecto presentado, ou polo resultado negativo da actividade de verificación do cumprimento dos requisitos establecidos nin pola renuncia ou desestimento do solicitante unha vez que se concedeu a licenza ou se verificou o cumprimento dos requisitos.
4. Non obstante, no caso de desestimento formulado polo solicitante con anterioridade á concesión da licenza ou a realización da actividade de verificación do cumprimento dos requisitos establecidos procederá á devolución do 60% da cota.
5. Consideraranse caducadas as licenzas se, despois de concedidas transcorren máis de seis meses sen que se producese a apertura dos locais ou, se despois de abertos, cerrasen novamente por un período superior a seis meses consecutivos salvo nos casos de forza maior. Presumirase que existe esta circunstancia en tanto non transcorran os prazos concedidos para a terminación das obras do edificio ou local en que se vaia situar o establecemento.

Disposición final

A imposición deste tributo foi acordada en sesión plenaria celebrada o día 27/10/1998. A presente Ordenanza Fiscal foi aprobada en sesión plenaria celebrada o día 27/10/1998, sendo modificada posteriormente en sesións plenarias celebradas os días 26/10/1999, 07/11/2000, 27/11/2001, 29/10/2002, 25/02/2003, 28/10/2003, 27/04/2004, 26/10/2004, 25/10/2005 e 31/10/2006, 25/09/2007 e 28/9/2010. A presente modificación foi aprobada en sesión plenaria de 29/09/2011. Entrará en vigor o día da súa publicación no Boletín Oficial da Provincia. Comezará a aplicarse a partir do día 1 de xaneiro de 2012, permanecendo en vigor ata a súa modificación ou derogación expresa.